



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

56. Libti Confusij.

urn:nbn:de:hbz:466:1-10757

silentio imposuit, sed periculo longè grauiori coacti sunt verbum exponere, quod in eandem Literatus quidam de Confusio sententiam male accipiens, librum scripsit aduersus fidem Christianam. Explicationem symboli Sinicè nostri vulgauerant, in descensu Christi ad inferos, narrabant ab eo assertos cœlo Patriarchas quibus ante aduentum Salvatoris occlusum manserat. Coeterum nulla Confusij mentio, sed ex consequenti, interpretatus vafer teneri Confusum subterraneo carcere, (sic inferos vocant) fidem quæ hoc doceret Christianam auersatus, velut mendacem impugnauit: eam ob tem furor talium hominum, ne qua eiusmodi daretur occasio, carecetis vocem mollite oportuit, tam acuti est sensus reuerentia Sinarum erga suum Confusum.

Eius tandem libros ad ea quæ passim occurrent nosse iuuerit quinaria, & quales sint. Codices primum compilauit quinque, partim ex iis quæ elucubratae, partim quæ Prisci sapientes iidemque Reges: duobus historicis gesta complexus est Sinarum Regum lectissima, & aliorum quos virtutis excelsæ & prudentiæ flos, posteriorum dignos memoria, & imitatione effecerant. Tertiò poësim, non fabulosam, amatioriam, inanem, mulcendis auribus tornatam; sed grauem Philosopham, documenta virtutum ex ingenii hominum, populorum variis moribus, priuatis rebus & publicis ducentem. Quartò Philosophiam naturalem mysticis numeris comprehendit, & accommodauit singendis moribus. Quintum certimoniis sacrorum prætexendis dicit, & comitati ciuicæ præscribendæ rituum Urbanorum. Doctrinas hos libros appellant, nec fas putant illos impugnare, sunt & alij quatuor, sed longè his impares; unus Suntij cuiusdam quem frater Confusij filium habuit, reliquos Mentius, Cautius, & aliis edidere, omnes magnò doctrinæ politicae ac moralis nomine laudatos, & multorum elucidatos notis, quarum vnæ solum sensu legitimo putantur illos exponere: certè Mentius de suo damnatae doctrinæ principiis librum suum infecit. Nolim autem his voluminiibus tractata sic accipi, ut modo & Methodo digesta opus conflauerint alia morale, politica alia, definitione virtutum, & officiorum multiplici, partitionibus, & argumentis absolutum (dialecticam Sinæ, ac Rhetoricam ignorant, nisi quam illos natura docuit.) Constant omnia ex solitariis, & diuulsis præceptionum, & iudiciorum obseruationibus & sententiis, solo tranquillæ & exulta naturæ instinctu conceptis, cuiusmodi solent præstanti homines virtute, ingenio, & experientia concipere. Stylus denique librorum, Epiceticus, non Academicus; nihil rationibus adstruit, sed velut ex notis planèque compertis, conclusiones solas habet quibus eò pertingat animus quo illum Confusius destinat, ubi nempe naturæ impetus, nunquam rectum, & verum præoccupet, sed in omnibus sequatur; & quicquid interius à nobis aut exterius dicitur agiturque, proficiuntur ex imperio rationis, sibi tamen vni minimè consulentis, sed publico, cuius singuli pars sumus.

Sic

56.
Libri Co-
fusij.

Sic fore parendo fidelem subiectorum obedientiam , Magistratum iubendo auctoritatem moderatam ; priuati cuiusque in vita officii seruandis inculpatam virtutem.

Hic Sinarum Magister Confusius ; hæc eius librorum auctoritas & fides tam religiosa vt nec syllabam in iis ausint in controversiam trahere. Ex his ab infimo ad supremos , omnes se fingunt Literati ; quicquid ascensu promouerint , contentionibus ingenij , & sciendi merito id debent , multorum examinum severitate ad purum excocto , tam cæca & acri , vt nec odij umbram nec gratiae possit admittere : ac licet ad gradus etiam infimos literarum , exsorbenda sint illis difficultates omni opinione nostra , vñque grauiores , verum extra illos cum nihil possint sperare diuinitarum & gloriæ , ingenij viribus , & labore confusi sibi à se omnia pollicentur , & si minus in primis , aut mediis , in imis saltē subselliis locum sibi facturos , nullus enim locus inter Literatos merito suo & præmio vacat , etiam infimus , & abiectissimus nobilitatem ab Rege consequitur , commeatūmque rei familiaris in omnem vitam. Facit autem ad hos gradus viam accessum arduam causa triplex prima nouem librorum quibus solis eorum insudat opera , character innumerabilis , & varietate infinita linearum , distincta vocum significatio. Imaginosa vi opus est valida , vt comprehendantur , animo figuratum tot millia , sicutque in promptu cum vñs est ; nam omnes qui teneat , habeatque ad vñsum quemlibet expeditas reperitur nemo : altera characterum diuersa inter se consociatio , nexusque multiplex , ex quo velut musiuo , mira existit elegantia figuratorum sensuum , & expressiones eorum acres , & viuidas ; nos enim ex literis voces , illi ex iisdem sententias variè commissis integras componunt. Ad hoc egent sublimis ingenij viuaci acumine , nec trivialibus inuentis contenti , dictorum ambiant generositatem , ornantque illam omni eruditione ab antiquis suorum historiis , Poëtis & Oratoribus petita ; fabulas respuunt tanquam indignas prudenti homine , & recti verique ex falso mendicas. Tertia denique difficultatis causa experimentis continetur , quæ sui præbeant oportet qui ad gradus secundos literarum adspicit ; ad hanc limati iudicij quanta firmitas exigatur mox edam : nunc imaginum artifex facultas , excelsi acumen ingenij ; & exquisitus iudicij vigor ; tria hæc ad magiam scientiam præsidia , cum ægrè in singulis omnia excellant , inde asperum euadit ad Literarios honores iter , ac tantum non injum : triplici ad eos ascensu examinum scanditur , quorum quisque vt altior sic operosior ; superandi sunt singuli probatione ingenij præstantis , contentione laboris in studendo , & quo nullum meriti fortius argumentum , competitorum victoria , quorum est quidem immensus numerus ; at qui summum quod prensant assequantur paucissimi. Primum horum agonem urbes omnes spectant , subitürque veluti apud nos probaccha laurea. Secundus pro magisterio , certatur solum intra metropoles :

56.
Literorum
Sin. triplex
classis quam
dura Examini-
na exigat.